

理瀚駢文摘要

韓園醫學六種

理藩
要
馬
文

彭祖錢隸

光緒丁丑仲春吳
縣潘敏德堂重刊

1977

序

古之治病者最初用砭石繼又鍼灸又有湯熨皆從外治
本草興湯液作而內治之法始備內經言鍼灸者什之五
且及桂酒馬膏諸方其視外治未嘗畸輕厥後工巧之醫
常兼其術故能活人近世始界別內外其號爲內科者專
以湯劑治病鍼灸湯熨諸法寢寢失傳敷貼之方則專屬

之瘍醫蓋去古意益遠矣錢唐吳君尚先始創用膏藥治
內外諸疾著理瀹駢文備論其法並附膏方二十有一嘗
行之於江北治效歲以萬計殆合湯熨鍼灸之法變而通
之而能不失其意者歟蘇州官醫局施診已久今年余始
議兼用吳君法奏効不可勝述主局事任司馬本照欲廣
其傳因掇取吳君諸方別爲刊行而請序其端余惟秦越

人有言病家所患患病多醫家所患患術少故內治外治
必相濟並用其術始全卽吳君之論亦未嘗竟廢湯藥也
惟是服藥而誤害何可量膏藥則不然用之當可有奇効
卽不當亦無大害余憫夫世之誤于服藥者之多也故深
有取于吳君之書而嘉任君之意爲識其緣起如此

光緒乙亥小陽月江蘇按察使司按察使永康應寶時書

畧言

一醫以濟世術貴乎精奔走衣食之徒率多以人試藥如
授以外治之法俾之按方治病果能從心變化自有奇
功即使辨證未清亦無厚禍此編屢經試驗全活甚多
實良工之苦心非藉此以藏拙學者諒諸

一外治之法鍼灸最古後世專用湯液方藥繁多學者既

畏其難而用之亦多不驗今思變而通之無悖于古有
裨于今莫如膏藥一治所集多方編以儷語名曰理瀹
駢文醫者理也藥者瀹也實則外治之說也

一膏藥之用最便窮民患病旣無力延醫平時亦服藥不
雜配合施送藥到病除費用無多而功德匪淺若夫富
貴之家偶沾微恙名醫滿堂視膏藥爲平庸以參芪爲

常品亦不能強而從之也

一集中如清陽膏治風熱第一散陰膏治寒溼第一雲台

膏通治發背搭手一切無名腫毒不用刀針升降爛藥

始終只用此膏最爲簡捷故又名仙拈一貼膏催生膏

治交骨不開及各種難產除虛證外惟此四膏用之最

多功難盡述

一學醫之難在不能窺見藏府而心術殘忍者暗中摸索
大言欺人字句既多未明癥結何由洞見此則分三焦
而治之上焦宜噫卽以治表下焦宜坐卽以治裏中焦
宜炒熨煎抹之法卽以統治表裏與半表裏也

一治上焦風熱及內外熱證並用清陽膏外感風熱初起
頭痛者以一膏貼太陽並風門風卽散無傳經之變內

熱者兼貼臍中夾食者並貼金仙膏

一中焦鬱積用金仙膏爲多能和氣血治脾胃百病氣痛

腹痛立效瘧疾先用金仙膏貼胸口化其痰食暑熱卽

輕數發後可截者用散陰膏加藥末以生姜擦貼項後

第三四骨中間二三張卽愈痢疾無論老少皆用金仙

膏一貼胸口一貼臍上數日卽愈

輕者用膏三分
重者用膏一錢

一下焦寒溼用散陰膏爲多若上熱下寒者貼足心脾虛
泄瀉者貼臍並治風寒溼痺筋骨疼痛及跌打閃挫一
貼卽愈餘如行水膏專治溼熱養心清肺滋陰健脾扶
陽數膏皆不可少全方均載後卷務須平時配合以便
救急扶危

一各善堂專資利濟此法最爲相宜堂中延老成有德精

明醫理者一人主送診內外雜證

務須得人以免臨時誤用

四診中

以望聞問爲主而切脈則畧焉蓋脈理精微非息心靜氣難於憑準人多證雜必致混淆不如望聞問之確也

又以勤敏精細者一人專司攤膏研藥

合膏須另請店中老手爲之局

首親考其藥料之優劣察其火候之淺深及合既成權其分兩付局攤用

粗工一人備供給

使令每日自辰至戌來診者不以時限

不以過午爲限蓋窮民非獨惜

錢并惜工夫也

隨到隨給

姓名證候給時隨手錄簿不惟可知
八數多寡膏藥出人重證復診亦便

查對求者既樂其便而診者亦寬然有餘

代帶不親到者
不給恐有錯誤

如實有病不能親赴者須將病源開清再爲發給其有
指名何膏出錢購買者與之以廣流傳所入之錢仍歸

公用統計一善堂中月閱證四五百人歲約五六萬人出

膏大小約十萬餘張末藥錠藥副之爲費三百金

以百
金充

局用餘皆歸於藥材

雖不能盡人皆愈而十亦愈其八九誠事簡

而功倍也韓園記

理瀹駢文二十一種膏藥目錄

隨附二十七種糝藥於後

武林吳尙先生著

清陽膏

五黃錠
上清散

赴宴散
塞鼻丹

龍薈錠
青黛散

散陰膏

正陽散
溫胃丹

五積散
八仙丹

復元丹
辟寒丹

金仙膏

溫白丹

糝藥

起枕散

行水膏

控涎丹

蒼柏散

清肺膏

喘欬劫藥

溫肺膏

養心安神膏

清心化痰膏

健脾膏

清胃膏